

**NAMIBIA SENIOR SECONDARY CERTIFICATE**

**FIRST LANGUAGE RUKWANGALI ORDINARY LEVEL 4108/1**

PAPER 1 Reading and Directed Writing

2 hours 30 minutes

Marks 70

2019

Additional Materials: Answer Book

**INSTRUCTIONS AND INFORMATION TO CANDIDATES**

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

**MAVYUKISO NOMAPUKURURO KOVARONGWA**

- Tjanga malimbururo goge moBukelimbwiliro vana ku pe.
- Tjanga Nomora zoge zEvangotjangero, zoUkandidate nEdina lyoge momavega goBukelimbwiliro.
- Tjangesa pena zouneguru ndi zonsovagani.
- Wa ha ruganesa yikwamema yokudongwenesa.
- Limburura mapuro **nagenye**.
- Pakera mbili esipero, yidivisoresseso netungontanto.
- Sivaro soyitwa kuna si gava moyikondekeli [ ] kehagero lyankenye epuro ndi koruha rwepuro.

This document consists of **6** printed pages and **2** blank pages.



Republic of Namibia

**MINISTRY OF EDUCATION, ARTS AND CULTURE**

## RUHA A

Resa sireswa oso, makura o limburure mapuro ogo naga kwama ko.

### Sireswa 1

#### Etjwayuko lyoVaAfilika

Varongi woaponouniversiti va kara nediwo, ngesi kuna kara moyitarata yomo Europa omu vana kara varugani vekungo emona. Vanepongerero nawo vana keregenya, morwa vasita kuna ku vasiga va ka kare vasingi wonotaxi moyitata yaEuropa. Vakurukadi ava randesa poyitanda kuna kuzumba marandesero gawo, vaka kare vakomba – kombi moyitatata yomoEuropa. Yisinke nawa-nawa yina vanda metjwayuko eli?

Nkenye elima mayovi goVaAfilika simpe kuna kupongasana nokupapara eparu lyewa moEuropa. Yoyidona po kwanayinye, vakadi va kara moruhepo rorunene novana vawo, kuvasiga vagara vawo konyima va ka papare nonzambi dokuzeruka. Vakadikwara kuna kuzumba vana vawo nonzara novagara, va hendukire moyitata yaEuropa mokupapapra simaliwa soEuro sa fumana.

Twa kara sili nounankondo ose vareti mokuyokeka vana vetu, morwa konda zokutjwayukira moyirongo yoponze moku ka papara magazadaro gomouzuni? Eyi kipasi uhunga. Morwa kukara meparu lya hana kuhetakana, mapiyagano, neharo lyokuhara kungawopa pausimbu, wovanzi kuna kulizumbililira kuza mosiponga, maudigu ezumbaneso ntani epirombili mono mutjima dawo nokulisigilira va kambadare kuvareka eparu lyepe momavango aga vapira kuza rumwe omu mwa pira mbili omu nava ka rugana kupitakana venyasironga, yipo va paruke.

Apa yina kugurumuka yikwa eparu lyosirongo, VaAfilika tava tameke nye kuhorowora kuruganesa nompadi dawo nonombapirapulisiro rugendo, mevega lyokuruganesa yikesahorowero. Makambadaro aga ga hana hepero va rambararara taga vareke kuzera. Moku ka sika koEuropa vamwe woVaAfilika va hepa ntani kutaguruka mburundu zaMorocca zosiponga.

Verago yiwo ava ka sika moCeuta, evango lyaSipanye lya kara koruha rwefuta lyaMorocco. Mwina yimo ava ka kara nye monomango dokuhwilira mosirongo saSipanye pwa hana asi paveta. Ruhupwa roysisupa rwa va vamwe vehudi kwato ogo a rumono yimo tupu nava va fa noku ka hega konhi zefuta lyaMediterranean. Vatundayirongo navenye, vapapali nompito, valizumbili moyiponga, yi kare asi nokonda musinke va kara nado, va hepa etokomeno nekanderero. Va hepa udivi wongesefa, erwameno, matokorogano ntani yirugana yanaudumba mokukwatakanesa eyi neparu lyokomeho lyepe.

Eyi yina kumoneka kuna kara nkareso zomukaro gomupe. Ntaantani vatundayirongo vaAfilika kapi vana kuwizira koEuropa asi va ya gwane erongo ngwendi momu ngava rugana pwanare, nye kuna kuwizira va ya pongaika yimaliwa yo euros. Rorunzi sinzi soVaAfilika kukara negano lyokuza koyitata yaEuropa noku kapongaika yimaliwa yoyinzi yipo va yawapukurure monyima eparu lyekeumbo. Yimaliwa mokukara siruganeseso sanavenye kapi ya paka mfumwa korudi ndi nomvhura.

Nomuhoko don ompe dovatundayirongo yiwo va gwaneni mo netungo kumwe lyopantambo zouzuni. Mokatji konovili 36 doku ka sika moyitata yaEuropa ureru kuvareka eparu lyepe, mudamaguliyipako yovagenda mohotera, va hangura pezeruko lyono mbungururu 5 (hotera zondiromo). Nampili yikare asi yiwizamo yonzambi yinunu, muhwilidi yipako ya likida nawa – nawa ureru kupita meparu moyitata yaEuropa, si vhulise monomukunda domoAfilika, nodoropa nomoyitata.

Ngapi yina kara sitetu asi muna kara ndjorongani monkarapamwe, morwa eligwederero lyovatundayirongo va hana mutompo. VaEuropa woruhepo nava ava pili kurugana yiwo va simapeka egogomokero mo lyovatundayirongo asi yiwo ntundililiro zoruhepa rwawo. Momaruha gamwe ava vamwe ava paruka eparu lyopokatji, kulika nonyara nohepwe edi doVaAfilika noku va mona asi yiwo vana kuzerura ukorokotji mononkarapamwe dawo.

Sinzi soyirongo yaEuropa kuna kutulirapo vatundayirongo noveta donyanya di goromone yidwa, vahepwe yimo tupu nonombunga ya guma yikwa – eparu lyovatundayirongo VaAfilika mokuhwilira. Monomukunda domvharerwa mwa kara vantu ava va diva yuma, kutundilira konkoro zaCeuta komazenga gaMorocco yi tware komakenka gaNorway, kuna kakambadara va likundurukide vene nondarate varambakana, da kara nomega, yikwamarutjeno yoku gava mupukururo ntani mafanokeverero.

*(Magazaro goruha rontundiliro rwa Tajutijani, silyo editorial board of National daily, ruha royikwambudi ava hanesa moLagos)*

- 1 Limburura epuro 1 (a) dogoro (c) pokutjanga nomora zepuro nondanda zelimbururo ono horowora. Sihonena: (a) A.
- (a) Mutjangi kuna kugazara asi ezonauko lyenene lya retesa po etauko kuna kara ...
- A Ngendeseso zerongo.
  - B Mparukiso zemekoro.
  - C Yikwa eparu pasirongo.
  - D Yivayauka Yopangereka. [1]
- (b) Mutjangi kuna kugazara asi vantu kutauka, morwa kwa tunga mo ...
- A Monkarapamwe zina kukura.
  - B Uzuni wediro kuhetakana.
  - C Yirongo yonoveta da hana kutanta yuma.
  - D Nonkarapamwe donyanya. [1]
- (c) Sitjangwa kuna tulisa po magano asi vatundayirongo kugwanena mo mauwa morwa ...
- A Wovanzi kuvhura kuza kembo.
  - B Vamwe nakaruvalisi kuparuka nawa.
  - C Kungawopa va pitakane VaEuropa wovanzi.
  - D Kapi vana kutunga hena monomukunda. [1]
- (d) Yinke ana hara kuuyunga mutjangi moruhantanto oro, VaAfilika tava tameke nye kuhorowora kuruganesa nompadi dawo nonombapirapulisirorugendo mevega lyokuruganesa yikesahorowero? Gava nokonda **ntatu**. [3]
- (e) Mbudi musinke ana kuhara kutuntura mutjangi moruhantanto oro “Va hepa etokomeno nekanderero?” Singonona mononkango danyamoge omu ono kutumbura nokonda **mbali**. [2]
- (f) Fwaturura esemeneno ga bubura, matjangi moruhantjango 8. Tumbura nokonda **mbali**. [2]
- [10]**

- 2 Ngano nyove wa kere mukungi gokomurudi. Vana kuzigida o ka uyungise vadinkatu posure zomomukunda ndi pevangopongero lyonkarapamwe. Tjanga siuyungwa omu ono kugava mapukururo gana hamene siponga segogomokero koEuropa pwahana asi paveta.

Mosiuyungwa soge singonona omu vatundayirongo VaAfilika:

- Omu ava lisense vene.
- Elisigiliro vene.
- Eliretero vene yiponga.

Mosiuyungwa soge ruganesa mapukururo aga va gava mosireswa 1.

Ure wosiuyungwa soge u kare pokatji kononkango **200 – 250**.

**[20]**

## RUHA B

Resa sireswa oso, makura o limburure mapuro ogo naga kwama ko.

### Sireswa 2

#### Esanseko lyomudinkantu gontundayirongo zaAfilika moEuropa

Mudinkantumati Almedu kwa ya kaverere moSicily momazuva gokuhulira gokufu melima 2014. Esi yiso siruwo, mudinkantu gonomvhura 16, Ahmedu Jalo gontundiliro zaGambia ga ya sikire pevega lyaCatania moSilian, konyima zokugenda mvhura zimwe nomakwedi gavali. Posiruwo simwe vanamberewa kwa mu hokwene nombapira dosirongo nonkarasano zendi, mokumusingonona asi age gomoruha rovarugendanzira va hana asi paveta. Mokusingonona a kare moruha rwina ya mu reterere sitangalimba. Age kwa kere ponze zopaveta, nomononkarapamwe odo va tambura momaruha gaEuropa. Paunankondo wawo vanamberewa tava rugana paapa va hulira va mu hangure ko kononkarapamwe dawo, awo oku kuna kurugana sankondo-nkondo va mu tengwide koAfilika.

Karuwogona tupu poku ya kavera moEuropa, uturo wendi kwa ya kere pononzira daCatania esi sa kara asi sitata sosinene sauvali moSicily. Kwa kere siruwo somufu, age ga hana mudwaro gomufu. Age nga hada-hada yikulya ponondambo doyihando, kumwe nokunwa mema gomanzi, yipo asi ga ha zuvha nzara. Ngano nomunankenda si gomuSilia ogu ga mu tantererere kuhamena mbongi zoVamosilemu ezi, azi vhuru kugava mauturo, ngano ga fire komufu.

Konyima zomazuva gongandi,oku yiko twa ya gwanekerere naAhmedu. Mupahukili gombongi ga nyakwa muArab, a tambura navenye, kwa tu gendesere atu likide etungo. Ahmedu nga gumwe govalihupwili wontundayirongo, kwa kere ta zeresamba mbongi, silikido sorupandu rwendi kombatero a gwana. Kosili simwe sendi sa guminenge sokumuhamena. Age nga likida nkareso zositetu, omu ga lihuguvarere mwene. Rugendo rwendi rorure kutunda kembo lyawo, kapi rwa zongwanesere sitambo nehuguvaro lyendi, nampili akare neparu lyedigu, nokudwara yikoverero yokutunga nonongodi vamu heheda. Ahmedu kwa kere ana si kama noupenda nosikombeso sendi mokuwoko ngwendi mukwayita ana kwaterere egonga. Ame kwa mu zililire noku mu uyungisa. Age kwa kere konaure nerungararo. Apa na mu pulire edina lyendi ta li gava ngwendi kuna kulimburura munamberewa, owo ga tjira. Ame yipo namulimbwilire nemenyamenyo asi name nyame Ahmed. “Twa gwanekera”, yimo na tente. Kosipara sendi kwa monekere ko emenyamenyuno lyesinganyeko.

Mehagameno lyendi,ame kwa ya nongonwenene asi age mugara gomutaro ogu ana kara nesimwititi lyomulyo na vhura kusanseka. Ame kwa here kumupuragera, nye karuwogona tupu ta ligora po. Apa twa ya sikire ezuva lyokukwama ko, kapi ya likidire asi kuvhura a kare po,sikwatupu asi ngano tu li gore po, age ta ya siki. Age kwa segasegere kuuyunga. Vatundayirongo va hana asi paveta kwa diva asi nsene nomuntu wa pira kudiva kuvhura yiku twaredere moudigu. Ose kwa kere tatu kondjangana. Ose kwa varekere epuragero; lyetu lyere, omu ga kere ana keregenya moku kara siruwo pevega limwe tupu. Mukurona gombongi kwa hingilire nage momapuragero, konyima zosiruwo ta tundu po aka limburure nofunguna. Age kwa kere ta tarurura kovili zendi nosinka, kapi ana divilisa nawa-nawa asi yisinke yina kuhoroka kogu mumati.

Ahmedu kwa tente asi age yige mbeli zovakurona vendi va huguvara, ntani ga kara novamumbya vendi vane. Age kwa tente asi: “Ame kuna hara ni gwane ko suma esi ngani ka hafesesa epata lyetu”.

Oguhwe kwa mu rekerere, yipo ga varekere rugendo rwendi rosiponga, ga hana nombapira ndi silinga ezi na zi vhura kumuvatera yipo atavakane mekurongo lyaAfilika, atavakane kupitira moSenegal, Mali, Burkina Faso, Niger kumwe naLibya. Ahmedu ta simwitire yiruwo yoyidigu eyi ga gwakerere nayo monzira, yiruwo yimwe nga va mu tura modorongo vaporosi woyifuki, ntani kukora oko nga zuvhu korutu rwendi, morwa nzara. Poyiruwo yimwe yoyinzi nga paruka komema tupu. Ano pamwe nsene sivhulisa nga gwana yirugana ngomuvateli kukurura, kudamuna noku randesa nondini domema, ndi ku gavera yikulya, eyi nga yi mu pe silinga zina gwanenene yipo aka sike kevango lyokukwama ko. Ekambadaro lyendi kwa kere tupu asi yipo aparuke, kapi ga kere ana divilisa nawa nawa asi nga vhura kutwikira rugendo rwendi oru ga demenene roku ka sika koyirongo yaEuropa.

Simpe kwa simwitira hena udigu wounene morugendo rwendi omu va lipaterekedere vantu woku sika 100 mokawatogona komazenga gomuzogo gwaAfilika, apa nkare a fe mema. Vaperami mowato kwa kere vana yuka koEuropa awo va hana silinga noyimbapirapulisiro yohepero. Kwato yimwe eyi va kere nayo lya asi egano lyorugendo lyelike. Mema kwa kere gana sesupa. Nondja kwakere dina li vhongo nomaholi. Ahmedu ta ya vere po. Karuwogona tupu wato tau vareke kuzoza. Vaperamimo kwa va pulire va ruganese tundini twawo tomema, yipo va hupe mo mema mowato komeho udame. Mufu, nzara, epiyagano ntani pwahana ediviliso lyongandi. Ahmedu kwa mu poperere vakungi vekefuta lyaltaly eyi ya ka mu sikisire moSicily.

Apa namu pulire asi yisinke ya mu pa mukumo age kwa tumbwire asi ehuguvaro lyendi, nye somulyo unene sa pitire nayinye magano gendi goku vhura ku ka vatera epata lyawo, noku ka tura vakurona vendi kumwe hena.

Pamoneko, Europa nare ga vareka kugwanekera nosivaro sosinzi sovatundayirongo,ava ava dili kulitulida kuza mekururongo lina, eyi ta yi vhuru ku ka zonauka unene mokutara ndjorongani zina kara moAfrika, sina kuretesa po mutau gwa hana ehagero. Pamoneko untu nonongendesesoveta dopasiruwo sosire va hepa ku di tulisapo pangenderera. Kutarerera vantu va fire mefuta lyaMeditereanean, ndi kuvasininika va fe nzara, ndi va parukire monositarata kاپisi yilyo ekohonono udigu.

*(Kwa si gusa mosipepatjangwa saAbkar Ahmed, Ibin Khaldun Chair of Islamic Studies, American University, Washington DC. The Islamic, February, 20, 2015)*

- 3** Kama erwameno nomaudigu govatundayirongo yaAfilika mokuza koEuropa, ngamoomu tupu va yi singonona moyireswa eyi yivali. Ruganesa mapukururo gana ku tundilira moyireswa eyi yivali o tungise ko malimbururo goge.

Ure wekamo lyoge ukare pokatji kononkango **200 – 250**. **[20]**

- 4** Ngano nyove wa kere Ahmedu. Tjangerera oguho mbilive ova simwitire ko kuhamena omu waka sikire ntani omu ngo ka paruka pezenga lyaCatania moSicili. Ruganesa mapukururo gomosireswa sauvali noku ga tamununa momagano ganyamoge.

Ure wombilive zoge zi sike pokatji kononkango **200 – 250**. **[20]**

**BLANK PAGE**

**BLANK PAGE**